



Krivične prijave podnesene protiv pet osoba i dvije firme

# Novcem 'Bosnalijeka' kupovali njegove dionice

Policijski službenici Državne agencije za istrage i zaštitu (SIPA) u predmetu „Bosnalijek“ prosljedili su prije nekoliko dana Tužilaštvu BiH izvještaj o počinjenim krivičnim djelima protiv pet osoba i dvije strane kompanije.

U SIPA-i tvrde da je izvještaj prosljedjen zbog pos-

tojanja osnova sumnje da su ove osobe, od kojih je jedna državljanin BiH, počinile krivična djela organiziranog kriminala u vezi sa zloupotrebom položaja i pranjem novca.

- Istragom je utvrđeno da su ove osobe 2016. i 2017. godine, postupajući suprotno poslovnim interesima kom-

panije „Bosnalijek“, ustupile potraživanja od dvije strane firme, koje su uredno izvršavale svoje obaveze, također stranom pravnom licu, koje je zadržalo za sebe najmanje 3.600.000 KM, a što je omogućeno zaključivanjem ugovora o ustupanju potraživanja i prikriveno obavljanjem transakcija iz-

među više evropskih zemalja – kažu iz SIPA-e.

Kako je pojašnjeno, prošle i prethodne godine ove su osobe višemilionska sredstva „Bosnalijeka“ iskoristile za kupovinu dionica te kompanije, što su prikrile obavljanjem transakcija između računara pravnih lica iz šest zemalja.

**M.Aš.**